محمد مکاوی

مــصــر

سنین وسنین

أشعار بالعامية المصربة

الطبعة الأولى يناير 2018



بطاقة الكتاب

المؤلف : مصر سنين وسنين

المؤلِّف : محمد مكاوى

التصنيف : أشعار بالعامية المصرية

رقم الإيداع : 2018-2454

عدد الصفحات: 104 صفحة

رقم الإصدار الداخلي: 53

تاريخ الإصدار الداخلي: يناير - 2018 الطبعة الأولى

الإشراف العام: الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

ُدار النيل والفرات للنشر والتوزيع

سجل تجارى: 13242

بطاقة ضريبية: 35-01-572-50031

رقم التسجيل: 544-662-202 E-mail: alnile waalforat@yahoo.com


twitter: النيل والفرات

youtube: alnile waalforat@yahoo.com

facebook: alnile wa alforat

ماتف: 01011256943 - 01116202218 - 01202541192

نشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣



إهداء

....

الى روح ابى و امى ولعلهما فخوران بى الان.

الى زوجتى الغاليه شريكة حياتى وابنى وابنتى حصادى من الدنيا.

الى اخوتى .

الى الاهل والاصدقاء .

الى كل من ساهم فى صقل موهبتى .

الى كل متذوقى وخاصة شعر العاميه اهدى كلماتى

الشاعر محمد مكاوى

هذه الابيات تقرأ افقيه و رأسيه.

مصري

قلبی مهما یبعد عنك مهما یرحل برضه جنبك یبعد برضه یعشق حضنك عنك جنبك حضنك ارضك

....

ابعد القی روحی سایره القی عینی تصبح حایره روحی تصبح لیکی طایره سایره حایره طایره دایره

→4
3

اسمی مصری لونی اسمر مصری یخلی لونك اخضر لونی لونك نیلك عنبر اسمر اخضر عنبر اكتر

.....

بقيتى قدر

.

قاريتك قصيده كتبها زماني حلمتك معانى رسمتك صور حلمتك كبيره رسمتك اميره جحافل جيوشك بتهزم تتر لبستى دروعك قصدتى ربوعك عزفتى نشيد الوغى

ع الوتر وخلفك امامك يمينك شمالك فيالق اعادى تطول القمر عيونك بتخدع فوارس بتركع رموشك بتدفع سهامك مطر دخلتي معارك هزمتى ممالك محيتى بسنابك خيولك اثر ربطتى وشاحك يضمد جراحك

جراحك بتنزف و ربك ستر جمعتى حشودك امرتى جنودك حرقتى بقايا عدو اندحر حلمتك فظيعه مناظر شنيعه تحنن مشاعر ولو من حجر سنابل حقولك بتطرح جماجم ضحايا دماهم بتروى شجر رسمتك عنيده

و فیکی شراسه
و رغم الشراسه
زمانی امر
هویتك بعمری
و كلك مخاطر
و رغم المخاطر
بقیتی قدر

مش زی ما قالوا

.

مش زی ما قالوا عنها زمان مش هبة النيل والله يا زمان نيلها صحيح يروى العطشان لكن اللي بناها ولاد شجعان النيل بيجرى ف بلاد كتيره ومصر دی واحده

بين البلدان

...

جنودها دول خير الاجناد فی ای مکان او ای میعاد جاهزين يحموها بأرواحهم دى بلدهم ام البلاد یلا یا مصریین نساعدها ایدی مع ایدکوا

ناخد ايدها تعالوا نعمل حاجه تفيدها ولو ضلمه شمعه نقيدها لازم نشوف شغلنا بضمير مفیش صغیر مفیش کبیر طول عمرك يا بلدنا حضاره وعلى ارضك عاشت ادیان يا مصر الازهر یا مناره

مصر سنين وسنين

انتى ف الانجيل و القرءان

مصر سنين وسنين

.

احلامي راجعه من تائی جايه و لابسه التوب جديد جايه ف صورة شاب لسه بیجری دمه ف الوريد العمر هو ف اوله وبالنسبالي سنين يا ولادي

هتقولولی دا یطلع مین دا شادی اصغر اولادی و يرجعني شادي للماضي و يفكرنى بنفسى زمان طفل بيحبى و يكبر يلعب يصبح شاب ف حلمه امان و ارجع تانى لأول عمرى وابتدى بكان ياما كان و الكلام دا قاله جدی من زمان و قاله جده على

شط ترعه

وبين السواقى

و الغيطان

ناس بساط

عايشين ف حالنا

ادی وصف

و صورة المكان

دارنا مبنى بطوبه سمرا

و خشبه محسوبه

م البيبان

و زیر مغطی و کوز مصدی

وحصيره و زلعه

و فرن كمان

و لمبة جاز بتنور لينا

لاجل الضلمه تبقى امان

(أشعار)

.....

ف العام التامن و التسعين بعد الالف وسبعمايه جم اهالينا مجموعين علشان حصلت نكبه قويه ناس بيقولوا فرنسيين جايين ياخدوا ارضنا دیا اللى حصاها ياما جرحنى و ياما علم ف كعوب رجليا اللى ترابها بيشرب عرقى وانا حران ساعة ضهريه

عسكر ومدافع غير الخيل و القائد اسمه نابليون جايين آل يبنوالنا حضاره ويا المسيو شامبليون قنالهم لا دى حضارتنا مين غيرنا يبنيها ويصون جابوا المدافع والبارود لموا العساكر م الحصون ضربوا الهرم ثبت الهرم الصل الهرم جواه فرعون

....

وبعد نابليون جانا كليبر وبخنجر قتله سليمان و بعد دولا جانا مينو

و مینو کان قائد جبان فانتصرنا وراحوا هما ومصر رجعت زی زمان

.....

اشراف بلدنا اتجمعوا قالوالنا نصلح ف الاحوال خورشيد باشا راجل ظالم عمره ما حقق ای امال محمد على باشا موجود وطول عمره راجل شغال وف الاثناء دي جالنا فريزر ويا عساكره الانجليزي و عند رشيد و الحماد

كانت يا ولاد معركه ايزى و اهتم الباشا بالتعليم لكن كان من اجل سياسته كون لبلدنا جيش عظيم بینفذله کل ارادته ويا اسطول ضخم كبير يفرض بيه ع البحر سيادته ويروح الباشا و من بعده يجى سعيد بالامتيازات حتى ديليسبس صديق عمره لازم يديله من الثروات و اسماعیل جانا

من بعده

و دا راجل غاوی حفلات

القناه يعملها

حفله

لملوك العالم و الملكات

توفيق شرفنا

من بعده

وطبعا كان زى السابقين

و يقف له احمد عرابي

و دا ظابط م الفلاحين

قال لا جيشنا

لازم يكبر

ويكون كله مصريين

رد علیهم انتوا عبیدی

ودا كله ف ميدان عابدين

عرابی قال هو و اصحابه المولى خلقنا بنى ادمين وبعد عرابي مصطفى كامل كلمته كانت هي بلادي و بعد مشانق دنشوای قال بره هیکون جهادی و راح هناك على ارضهم و بصوت عالى قال لهم ارضی انا ارض اجدادی وانجلترا تعزل عباس قالوا عليه انه حيادي و يحل محله حسين كامل والراجل كان انقيادى

وبعد زعيمنا مصطفى كامل جانا البيه محمد فريد هو صحيح كان م الاعيان لكن حبه لوطنه اكيد وجردوه من كل ما يملك وف لحظه كان مطرود و شرید وادى الباشا سعد زغلول وهو واقف ضد فؤاد و بصوته بیهتف و یقول ف بلدنا احرار اسياد و سعد و اصحابه ينفوهم و يودوهم بره بعاد

و مره تانیه نفوهم سیشل

لكن كان الشعب اراد

و يرجع سعد

ينادى بصوته

احنا طلبنا الحريات

و علشان يرضونا

ادونا استقلال بتحفظات

فيه المصالح محميه

والاشراف ع المواصلات

و جه دستور

تلاته وعشرين ومن بعده

جت الانتخابات

و يكسب سعد الجوله

الاولى و يكمل باقى الجولات

× 24 >>*

مصر سنين وسنين (أشعار)

......

و تمر سنین من بعد سنین

و يجينا فاروق

ويزيد تخريب

دا حزب فلان

او دا علان

باشا و بیه رشوه و محاسیب

وتقوم في مصر

حريقه كبيره

و تحتاج بلدنا لألف طبيب

و دعينا م القلب

قولنا يا رب وربنا دايما

فرجه قريب

و اتجمعوا ظباط احرار

ويا اللوا محمد نجيب

و اتفقوا يقوموا بالثوره

ف يوليو يوم تلاته

و عشرین

و سنتها كان كام بالتحديد

كان اتنين بعد الخمسين

ويجينا جمال

يهتف و يقول

لا اقطاع ولا رأس ماليه

یا اخواننا یا مصریین

هنطبق الاشتراكيه

وقال هنبنى السد العالى

و یا مصر

اممنا القناه

جت جيوشهم

على بور سعيد

لكن احنا صدينا الغزاه و ف يونيو سبعه و ستين نزلت منا دموع العين و حلفنا لناخد بالتار و ننضف من فوقنا الطين ويعد النكسه بست سنين وبالتحديد تلاته و سبعين قرر انور يعبر بينا و ترجع لنا من تاني سينا وف سته اکتوبر عشره رمضان رفعنا علمنا ويا الادان من بعد انور جانا مبارك تلاتین سنه ویاك یا مبارك و تقوم ثوره ف مصر
الحره و كانوا ولادها
عليها خايفين
ادى حكاية مصر يا ولدى
شوفتها وسمعت من السابقين
ولما يصبح عمرك قدى
لازم هتكون شاهد و امين

مصر حبيبتي

.

ف لحظه و كنت بفكر فيكى شوفت الصوره ندهت علیکی قولت افوت الغربه و اجيلك وحشتنى شوارعك مع ليلك و وحشنى غناكى و مواويلك وحشتنى كمان مية نيلك

اللى يسال مره عليكى يبص جوه العين يلاقيكي و اللي يسأل ايه الدنيا كل الدنيا دى ما تساویکی ومهما تغدر بيكى وبينا مهما زمننا یکون نسای حقك هنجيبه بإيدينا و هترجعی مع

بكره الجاى

لو يسألوا يوم عن احلامي مصر وبس بتيجي ف منامي لو يسألوا لیه هی غرامی عمر بحاله ما يكفى كلامى دى مصر لكل المصريين ام الدنيا ليوم الدين اللى ما يعرفهاش معذور و اللي عارفها بيها فخور

تقاليدك و عاداتك

نسيناها رميناها و كانت من علاماتك و قلنالك كدا عيدى موازينك حساباتك داحنا ف وقت غير وقتك كفايانا حكاياتك اخدتينا و جبتينا و عشنا في صراعاتك خطاوينا مشيناها و توهنا في متاهاتك

و ضعنا فيها و ضيعنا تقاليدك و عاداتك

.....

صبيه اسمها زينب ولا تعرف سوى زيزى كل همومها ف الموضه ولو راحت تکت ایزی و دا احمد صبی اوحد ولا يعرف سوى ميدو سلاسل من على صدره غوایش من علی ایده و دی نانا و دا مشمش و دا میمی پنادیهم ولو جينا نناقشهم

هنصبح من اعاديهم

.....

شوارعنا بقت زحمه و لونرجع لماضينا نلاقى نفسنا كنا نساعد من كبر فينا و داوقتی بنتحرش و یا حلوه وحشتینا و دی تبرز مفاتنها و شيطانها بيغوينا و بلوی من بلاوینا و ياريتك منعتينا طريقك له علينا حق نسينا لا تناسينا

• • • • • • •

زمن عدى ولا نرفع عينينا في اهالينا دلوقتى ولد فاسد وساوس جت تناديله ضرب اهله سرق ماله على كيفه سهر ليله تقاليدك نسيناها و قلنالك هنتأخر و ربى لو رجعنالها هنبنیکی و هنعمر و ترجعك حضاراتك و امجادك هتتكرر

أوبريت الوطن العربى

.

محمد مكاوى شاعر غنائى اوبريت الوطن العربى

....

الایمان ایماننا بربنا الادیان بتعیش علی ارضنا ارض امان بتسعنا کلنا کلنا واح و نبنی مجدنا

....

امتنا العربيه واحده و كل الدنيا علينا شاهده مهما يعدى عليها اعادى

نسمع فیها صوت بینادی و یقول للنایم من جوه یلایا عربی انت و هو

.....

ف ايدينا صوره لامبارح المنظر فيها مش واضح وف عينينا صورة مستقبل متلونه باللون الاخضر بجهودنا الصوره هتكمل و نشوفها بعيوننا اجمل

.

المصرى حارس دايما فارس ف الشده يسند عمره ما يبعد لايديه فارد للكل مادد

فاتح قلبه باخوانه حاسس

....

یا فلسطین الله یحمیکی ولا حد من الامه ناسیکی لازم یوم هتکونی منصوره و نرجع تانی نفرح بیکی

.....

انا کویتی الامه بیتی عاشق حضنك فرحك حزنك ولا غیرك یا عروبه هویت ولا غیری یا عروبه هویتی

.....

السعوديه اهلا بيكى ف الشده الامه حواليكى فيكى رسول الله على ارضك

و كمان رب القدره حاميكى

.....

جزايرنا و تونس والمغرب ف الصف الاول ولا تهرب وف الامه موجوده وف حزنها منها بتقرب

.....

لبنان سوريا يا اهل الشام اهل الشام اهل الجود والشيمه كرام للاخوه قلوبكم مفتوحه ولا يدخل ما بنا خصام

......

السودان وجیبوتی موریتانیا جزر القمر و الصومال مش ممکن ننسی

ولو ثانيه

ان هناك ابطال و رجال

.

عمان و ليبيا و الامارات قطر و الاردن والبحرين و العراق كلهم اخوات يتشالوا ع الراس و العين الامه العربيه واحده و كل الدنيا علينا شاهده

بهیه و یاسین

.....

و يموت فينا الحنين و الحب و هما لسه صغيرين تدبل شفایف زى الورود كانوا ف يوم متفتحين و تسيل دموع زى المطر من ننی عین المجروحين لیه دا حصل

مين السبب ايه الجواب محناش عارفين يمكن قمرنا جه و زارنا و ملقاناش يوم سهرانين ولا قدرنا ف يوم امرنا نعيش حياتنا محرومين و مستنیه عیون بهیه يرجع ياسين بالزكريات و زی عادته يغنى غنوه او موال مليان اهات مسكينه والله عيون بهيه متشوقين يرجع لهم

تانى ياسين بس مات مات الامل ف عيون بهيه او مات ياسين المهم انه مات

صندوق الدنيا

.

صندوق الدنيا تانی عاد اهو راجع بعد ما لف بلاد قربوا يابنات قربوا يا ولاد الصلاه ع الزين صقفه قويه واتفرجواع الدنيا ديه يلا بسرعه انت و هيه شوفوا حاجات

ولا ف الاحلام

اميره جميله

حلوه تمام

حواليها شويه

من الاقزام

و الغول يتحكم ف المحمول

و ادى الغلبان

مش لاقى الفول

اصحی انت و هی

كدا للقول

شوفوا سبع

بتركبه قطه

والكتكوت ماشى

ورا بطه

والسكر مهووس بالشطه

انت لوحدك سوى امورك ولا تسأل ولا حد يشورك و يلا قبل الليل ما يزورك اقعد عندى و احجز دورك

الله ع المصرى

.

الله ع المصرى اما بیوعد و بیوفی بكلمته و بوعده الله ع المصرى اما بيصرخ و الارض بتتهز برعده الله ع المصرى اما بينجز يمشى ع الارض و مین قده الله ع المصرى

وانا مصری والمصری بمصر یزید مجده الله ع المصری ف ایمانه و ربك علی طول یاخد یده

فرع اللبلاب

......

فرع اللبلاب مادد ع البيت شوفته لما ع الدنيا وعيت ياما مسكته اول ما حبيت واقف تحته يوم ما حبيت و ان جه يوم دنيتنا ضاقت تحت الفرع

نلاقی براحنا و النفس من القسوه داقت و دموع نزلت بعد جراحنا کله یجری ع اللبلابه تحتیها بترجع افراحنا و دلوقتی شاخت ما دریت و ازای ترجع تانی یا ریت

ذكريات أكتوبرية

.....

يوم ورا يوم من تانی یجینا بيفكرنا ان كنا نسينا اكتوبر بالعزه مالينا ويوم سته اعز ما لينا الله اكبر كانت زادنا و زی ما بنقولها ع المدنه قصه بنحكيها لولادنا ازای جندنا

ویا عتادنا قدروا یرجعوا ارض اجدادنا رجاله نشیلهم ف عینینا و فاکرین شهداکی یا سینا

أرض فلسطين

.

ارض فلسطين غاليه علينا قدسها كانت مسرى نبينا طب ناقص ایه يا عقول ناقصه علم الانجاس فوق الاقصى عايزين ترقصوا اخر رقصه بس يموت

اخر من فينا

....

ولا عمر صلاح الدین یرجع و ننادی علیه ولا هو بیسمع جهز ف ایدیك الطوب یا ابنی فایتك وحدك رغما عنی هو سلاحك هو سلاحك

.....

نبکی علیکی و تبکی علینا یا فلسطین

ولغير الله اياك تركع

ماهو مش بإيدينا راحت فين ضمايرنا الحيه الف سلام راحت مش جيه و هتفضلى وحدك ف الخيه لسه الدره عايش فينا ارض فلسطين غائيه علينا

الشيخ عمران

.

ف يوم سألنا الشيخ عمران عن شئ مميز ف الانسان شاف اللهفه جوه عينينا وبعد شويه رد علینا قال الميزه يا ولاد عقله و دا فضل و نعمه

من الرحمن

....

و فكرنا بحكاية

الدبه

لما صاحبها

نام كدا حبه

شافت نحله

جت على وشه

شالت حجره

و دبته دبه

....

و حكى لنا كمان

و كأنه كتاب

عن واحد كان

شغال حطاب

فكر ف ولاده من بعده قام جاب عود راح كسره لوحده وجاب مجموعه ما كسرهاش اصبحوا قوه لما اتحدوا

وصية شهيد

....

قولوا لأمى وصيه تقرا الفاتحه عليا و قولولها ما تبكيش خلوها تقول لاخواتي انا ضحیت بحیاتی علشان مصر تعيش و قولولها ان انا فرحان

دانا رایح للرحمن و شایف فین راح اعيش حتى طلقات الغدر لما جت ف الصدر یا امی ما وجتنیش و كل اللى مأثر فیا ان یا امی عینیا لثانيه ما شافتكيش لثانيه ما شافتكيش

أم الشهيد

.

شایلاك یا ابنی یا ضنایا لبعيد قوى عن دنيايا ماشیه مش شایفه طريقى كنت لعينى الحبايه وف حر الصيف نسمايه وف عز البرد غطايا يعنى مش هحضر فرحك

ولا اشوف ابنك ويايا طب انا يا ابنى لما اتعب مين بقى يدينى دوايا وانا لما اجلى يجينى طب مين ياخد عزايا

محروسه یا مصر

.

ادى الارهاب واقف ع الباب و بغدره بيقتل اغلى شباب محروسه يا مصر ليوم الدين ولادك ضحوا و مبسوطين دول هما وبس الحقيقيين ان شاء الله ف الجنه امين

هنضحی یا مصر و مهما يكون و لوع الروح ارواحنا تهون و اللي يروح ف مكانه مليون وتعيشى اغلى ما ف الكون لو يروى ارضك دم شهید يطرح لك عزه و نصر اكيد و ترفرف روحه يوم العيد تغنيلك ويا الباقيين

و ربنا المعبود

......

و ربنا المعبود واقفين على الحدود رجال كما الاسود صاينين ارض الجدود لو شبر تراب هيضيع يضيع قبله الوجود

نستشهد ویسیل الدم ایه یعنی ماهو انتی الام

و طول عمرك بتشيلي الهم ارواحنا فداكى و ما تهم واخدين على روحنا وعود صامدين لو كانوا حشود من حقك يا مصر علينا نحميكي نشيلك ف عينينا و زی ما قالوا زمان عن مينا بكره الدنيا تشهد لينا و ولادنا يتباهو بينا احنا كتبنا تاريخ بإيدينا

منظومه

....

مصر الكنيسه و الازهر مصر المسيح و الله اكبر بدلتى ليه توبك الابيض بنسيج غريب لونه اسمر بقینا لیه مش بنی ادمین فين الضمير لا فين الدين مین اللی فیکی بيدمر

بدال ما يبنى و يعمر و مناه يشوفك مهدوده ولا يوم ولادك فیکی تکبر كل الحقوق لیه مهضومه محناش قناوی و هنومه ولازم ف يوم هتقوم قومه وسلم لی بقی ع المنظومه

شباب مصر

.

احنا یا بلدی شباب اليوم واحنا يا بلدى رجال الغد كل سلاحنا ايمان وعلوم و دا هیزید امجادك مجد رجاله اقوى من السد بإيدينا نبنى ولانهد

وعد علينا يا مصر الازهر ولا مصنع فيكي يتأخر ونشيلك ف الننى الاسمر كل شبابنا زينا و اكتر وكلامنا دا بنقوله بجد ولو نوعد نوفى بالوعد احنا یا مصر شباب اليوم و احنا یا بلدی شباب الغد

قناة السويس الجديدة

.....

مصر خلاص قالت كلمتها و عرفت كل الدنيا قيمتها طول ما ولادها من حواليها ما بتتهزش جدران بيتها قنال جديد نحفره بإيدينا

یحفره طه
و معاه مینا
زی ما حفره
زمان اهالینا
مصر بلدنا
و غالیه علینا

••••

بإذن الله الخير هيزيد والكل فيكى هيبقى سعيد دا مفيش صعب يا بلدى اكيد احنا اراده

و عزم شدید

....

اندهی مره
یا مصر علینا
شوفی مین
یتأخر فینا
راح تلاقینا
وقت الشده
اخوات واقفین
مع بعضینا

عربیه یا قدس

.

قعدوا الشياطين ويا الملاعين نصبوا لك خيه يا فلسطين افكارهم اسود م الخروب فاكرنا آل محناش فاهمين طب مین قال کدا كلنا عارفين لكن مساكين محناش مالكين غير بس دعانا و التأمين و بكانا عليكي

بدمع العين و نفضل نستنى صلاح الدين طب هو هیرجع تانی منین عربیه یا قدس ليوم الدين مسرى النبى الهادى الامين ف الاقصى امام للنبيين يحميكي المولي يا فلسطين

يرضى مين ؟!

....

ما تفهمونا يا مسئولين او حتى قولوا لنا یرضی مین مصر الجامع جنب كنيسه بين العالم درە نفيسە على ارضها ليه يترفع علم الانجاس المثليين لا مش عايزين

نفضل عايشين ودن من الطين والتانيه عجين

مصر بلدنا

....

مصر بلدنا هتفضل باقيه مهما زمنا يصبح ساقيه و مهما يعدى عليها اعادى او تتمد ف مره ایادی نسمع فیها صوت بینادی و بيصرخ و يقول دی بلادی

و يصحى النايم من جوه یلا یا مصری انت و هوه مصر امكم بتنادى عليكوا جه وقتكم مدوا لها ايديكوا وحياتك يا غاليه

وحیاتك یا عالیه علینا هنشیلك من جوه عینینا و نعدی بیكی من المحنه من المحنه تفضلی باقیه

و نروح احنا
نصبح شمعه
ف قلب طریقك
بتنور دایما لصدیقك
و رصاصه ف قلوب
اعادیكی و الخاین
اللی بیجی علیكی
داحنا ولادك
من حوالیكی
و عمرنا ما نكون الا بیكی

لمِّى كلابك

....

لله وحده مصر بتركع و بحب نبيها اللى هيشفع تمسح بإيديها اما بتدمع و لتوب الحزن تقوم تخلع

مش ارهاب هیأثر فیها ولا هیسکت یوم اغانیها عارفه حقها و اللی علیها بتحاجی ع الغالی لیها و یا ویله اللی یعادیها یعنی

داعش لمى كلامك مصر هتقطع لك اذنابك

إسمع

.

اسمع یللی بتعادینا عیسی زیه زیه زیه زیه و مصطفی و احمد اخوات مینا فی وقت الشده سوا تلاقینا و ان جه یوم و دمانا تسیل ولا تعرف دم دا مین فینا

مهما أشرب

.

مهما اشرب میه یا امی نبع حنانك دا بیروینی كتفك ياما خفف همی وحياتى عندك ضمينى يمكن اخر مره اشوفك وكفوفى تشبك ف كفوفك رغم الشده

و کل ظروفك صلی لله و افتکرینی

عيش راسك مرفوعة

.

یللی دخلت ف سکه
ما فیهاش طریق لرجوع
ربط الحزام والدکه
کان اسم دلع للجوع
زمان ماکونتش عایش
دلوقتی عایز ایه
عایز تعیش یا بیه
الراس یکون مرفوع

سالمه يا سلامه

.

مهما الليل هيطول ياما مهما الدنيا تبقى غيامه بكره الفجر مسيره يشقشق و يهل بأحلى ابتسامه و ترجع تانی قلوبنا الدافيه ولا فيها م القسوه علامه و نسمع تانی

الكلمه الصافيه و نغنى سالمه يا سلامه

ختام كل الرسل

.

نفسى و منايا ازورك و العين تشاهد نورك يللى ميلادك كان فيه رحمه للإنسان فيه رحمه للإنسان و الطير و للحيوان حتى الجماد و الزرع الكل سجد بطريقته و سبح لله في بيئته يا ختام كل الرسل

صلى عليك الله

یا خیر خلق الله
و صلیت بالرسل
الدعوه کانت عامه
علمت کل الامه
احسن و اعظم مثل
الکل سجد بطریقته
و سبح لله فی بیئته
یا ختام کل الرسل

.....

یا ریتنی عشت زمانک کنت اشبع من ایمانک و اشرب م المیه و هی نازله من بین ایدیك و اصلی وراك لو ركعه وكل اصحابك حوالیك

الكل سجد بطريقته و سبح لله في بيئته يا ختام كل الرسل

جيت على بابك

.

جيت على بابك و وقفت ف رحابك و الدمع ف عيونى انت اللي فاضل لي ولا اهلى ولا خلى الكل تركونى یا رب نفسی اتوب جایلك و كلی ذنوب م التقل كسرونى انت اللي لامحني يارب سامحنى

طمعان في غفرانك

.....

يا عالم الاسرار الحلق كله مرار مش قادر اتكلم اقول عصيتك ليه و ابرر فعلى بإيه و انت اللي بحالي اعلم خلصت كل الدموع هتوب و مفیش رجوع انت الاحن الاكرم و النيه انى اتوب وانت رب القلوب يا رب وفقنى بسأل وانت المجيب

انت یا رب القریب اقرب النفس منی انتی اللی لامحنی یارب سامحنی طمعان فی غفرانك

محتويات الكتاب

الصفحة	المحتوى	م
2	بطاقة الكتاب	#
3	إهداء	#
4	مصری	1
6	بقيتى قدرى	2
10	مش زی ما قالوا	3
11	بين البلدان	4
14	مصر سنين وسنين	5
29	مصر حبيبتي	6
32	تقاليدك وعاداتك	7
36	أوبريت الوطن العربى	8
41	بهية وياسين	9
44	صندوق الدنيا	10

47	الله ع المصرى	11
49	فرع لبلاب	12
51	ذكريات أكتوبرية	13
53	أرض فلسطين	14
56	الشيخ عمران	15
59	وصية شهيد	16
61	أم الشهيد	17
63	محروسة يامصر	18
65	وربنا المعبود	19
67	منظومة	20
69	شباب مصر	21
71	قناة السويس الجديدة	22
74	عربية ياقدس	23
76	یرضی مین	24

98	مصر بلدنا	25
81	لمى كلابك	26
83	إسمع	27
84	مهما أشرب	28
86	عيش راسك مرفوعه	29
87	سالمه ياسلامه	30
89	ختام كل الرسل	31
92	جیت علی بابك	32
95	محتوى الكتاب	#